

祠廟

梁

龍母祠世傳天監元年有村姥姓蔣氏居頂山之東因有異感孕而生白龍失所往三日龍歸若就乳姥怖而死即所居葬之既而大雷雨冢遷於山腹歲之五月龍率來省或見形山間始至必甚風雨既留則一境為之寒邑人於此候之唐貞觀十年龍嘗鬪黑龍於海虞山之東邑人因像事龍母子於破山寺西澗旁水旱禱焉咸通十三年令周思

海虞別乘

祠廟

九十八

輯就為廟貌以祀之

見皮日休記

宋太平興國四年令

蔣文懌復遷而歸諸頂山寺重建祠寺

見蔣文懌及陸韶之

記

政和二年賜廟號煥靈五年令朱彥求請于朝

封宣惠侯遷其祠於山腰龍池之上

陳三恪曰余讀山經地志多矣產龍處固多產

白龍者僅二三處而吾邑居其一焉近閱溫之永

嘉縣志見產白龍之事略同聊志記於此其志

云嘉靖十三年夏秋大旱縣尹周公琬祈禱甚

虔弗應衆請于蒼山迎龍母有從行者稱龍母

裔孫負旗先導戒勿展衆望雨久不至強展旗  
風雨大作房屋樹水多拔仆時龍母在山川壇  
廠中案前二燈獨不滅衆咸異之龍母相傳三  
十九都周氏女年笄未字汲水溪邊見一卵悅  
之取而含諸口誤吞下後產一白龍遂驚死鄉  
人取其骸骨塑以泥藏諸岳洞間歲大旱則迎  
至祈雨好事者倣其像頗多真膺莫辨迎來者  
咸謂真骨云

常熟縣龍堂唐咸通中縣令周思輯以旱故禱龍于

海虞別乘

祠廟

九十九

破山之潭上果雨以應於是為堂以祀之刻石今  
存破山即虞山也父老以謂每歲有龍往來於陽  
山虞山之間其雲雨可識

朱長文吳郡圖經雜記

紹興甲寅春不雨至於夏五月殿院冷公世光閔  
焉率同縉紳禱於龍慧日以繼邑官之後越五日  
雨未降冷公夢白衣老人嘆曰諸公日以虔其誠  
吾則夜以虔其身公問老人為誰答曰我即龍也  
水涸甚將於何取之旁有枯澗澗底水一泓老人  
指曰可取矣公倏然寤因作偈曰閔雨而禱非誠

莫通龍感至誠盡力其中我獨何人應之以夢願  
言施澤風起水湧徐覺窗紙皆鳴甘雨驟至終日  
不止人情釋然公嘗記其事

邑令孫應時下車未幾苦旱亦迎禱於慧日五月  
九日龍現空中當寺西尚湖之濱其上片雲正黑  
爪足時露而尾垂属地可數十丈蜿蜒卷舒色如  
霜雪疏兩隨洒既隱復見可數食頃乃收舉邑父  
老以為生所未覩後二日大雨普足人謂孫令誠  
禱所致自是迄今終更有禱輒應然令嘗自詣頂

海虞別乘

祠廟

一百

山焚香默禱不用常儀云寶祐邑志

紹興壬申加封白龍為通濟侯卒已逆亮犯順御  
降祝文以禱時李寶奏海道之捷既而獲裨將倪  
新殷簡二人昌言於衆曰當戰之時有大龍舟旗  
幟皆白上植一認旗書海虞龔皓俄風濤大起虜  
舟皆不能自制遂為所勝衆固悟乃龔乃龍字皓  
者白色蓋龍助順云

寶祐邑志

慈悅者海隅龍祠之守僧也奉龍祠三十年精誠  
不怠隆興間偶得痼疾

或作水腫

有一道人手持畫一

卷投之口稱姓回專能治此疾慈悅命治之道人  
曰汝且閉目乃以手大指甲劃其腹出水一桶許  
復以手摩其縫遂合且云壽至八十五道人欲去  
僧留之道人曰我留此畫在此我去一兩日當復  
來也汝服商陸根則疾自愈矣果服之遂復平復  
而道人竟不至展其畫視之乃純陽呂祖像也其  
貌与道人無二始悟其為呂真人蓋回字有二口  
字呂字亦二口字借此以隱其姓也

龍殿有俾記

宋

海虞別乘

祠廟

一一

靈惠廟在縣治東南本縣土神周太尉之祠神姓周  
名容生而事母至孝歿而告母曰兒已為神當輸  
忠朝廷盡力鄉里淳祐初邑人鄉貢進士陳權簿  
建祠祀之後報慈寺僧耀觀主增置寢室奉神父  
母像于廟淳祐十二年壬子進士趙必銹等奏神  
靈跡勅賜廟額牒文尚存寶祐邑志

勅賜靈惠廟額牒文尚書省牒太常寺狀准批下  
太常寺申准批下平江府常熟縣國子監進士趙  
必銹進士孫桂文耆老朱成魏慶趙明等狀必銹

等恭惟聖朝愛民重穀崇祀 神嘉應既彰靡不  
旌報必錡等切見本邑有孝感土神姓周名容生  
於乾道年間有母朱氏相依為命備極孝養平時  
急義凡鄉閭有患難極意拯救惟恐不及邑人德  
之身歿於淳熙間歿後一日降於其家告其母曰  
兒已為神發誓輸忠朝廷盡力鄉井經今七十餘  
年凡水旱疫癘軍期商旅往來經過有禱必應今  
試撫其近年顯然在耳目者言之

一淳祐元年州縣旱蝗朝廷行下撲除官吏遍禱

海虞別乘

祠廟

一一一

祠廟而容顯身雲表空中現旗幟一夕掃蕩蝗灾  
遂息是年得熟 一當年冬猛虎入境侵害生靈  
官吏禱于神隨即收捕 一淳祐二年夏秋霪  
雨彌月鄉境泛漲官吏禱于神隨即得霽是年稍  
稔 一淳祐三年盜賊犯通州本縣福山正与  
對境民情惶々官吏禱於神夜半現形空中旗幟  
輝耀次日盜賊退走 一軍期邊境全仰江防  
船隻及水軍打餉將吏禱於神未嘗失陷 一  
邑民凡有疾病疫癘禱之神皆獲全活委寔於民

有功伏乞送禮寺照應提封施行伏候指揮後批  
送太常寺勘當申尚書省准此本寺檢准建炎三  
年正月六日已降指揮節文神祠遇有靈應即先  
賜額淳熙十四年六月十九日已降指揮節文今  
後神祠祈禱應驗今諸路運司依條保奏 指揮  
加封今准都省批下平江府常熟縣邑士趙必錡  
等狀為本邑土神周容靈應乞封額事送寺勘當  
申尚書省准此本寺施照狀內所稱累有靈應於  
民有功乞封額號緣是趙必錡等自行陳乞本寺

海虞別乘

祠廟

一一一

未敢擅便施行今欲勘當如從今來所乞後批令  
狀下寺以憑擬封施行申省去後今再准都省批  
下平江府常熟縣邑士趙必錡等狀為本邑土神  
周容靈應乞封額事送寺從所申事理施行准此  
本寺今遵從都省批狀 指揮合擬賜廟額今欲  
擬靈惠廟為額合行降勅伏乞朝廷取旨賜額施  
行伏候 指揮牒奉 勅宜賜靈惠廟為額牒書  
准勅故牒

淳祐十二年二月

尚書省印

日牒

同知樞密院事事兼權參知政事徐左丞

相右丞相

萬厯壬子三恪依宋降牒備錄如左

靈惠廟祀宋周孝子容洪武四年封仍賜每年秋九月二十一日神誕備牲帛令有司率鄉老士人以祭頒降祝文曰德成于已孝感于天旌之祀之敦我民俗尚饗

### 勅賜護國靈顯清源廟記

步軍上將閣門使舍人金國接伴副使和州防禦

海虞別乘

祠廟

一四

使邑人周虎譔開禧二年虜人合諸道兵長驅入寇和州虎方奉詔守光楚刺和時虜勢孔熾倉卒戰弗利城幾陷會虎方奉詔夢見一巨人冠三山冠衣白袍謂余曰忠義者神明所默佑吾隋人趙昱也知子有忠義心故至此以助子當益奮其力護衛一方民虎驚起而嘆曰是何神也豈可以愛尺寸膚不為社稷計遂進部下令於衆曰吾奉天子詔為國家守臣今虜寇充斥如此惟有死報國而已庶上不負天子之付託幽不負神明之告戒

逮虜合戰鼓譟入城闔風霧塞咫尺弗克辨未幾  
俄有光燭塞前奄見一神躍馬持杖冠袍一如所  
夢越官軍風霧尋消士卒益有生氣殆默佑虎者  
虎乃三十三戰王每昭靈而无無一戰不克間或  
病卒起呼王輒應而久卒即報瘳由是兵威大振  
殺虜驍將以十數最後射死右師石矻磈虜氣沮  
折大創引去和始安城得以全而江淮無恙王之  
功寔居多矣虎戴其靖國功佑民力聞上乞崇徽  
號貌于和使其邦世祀於城不忘也天子曰俞封

海虞別乘

祠廟

一五

國護聖烈昭惠靈顯仁佑王龍章錫號固皆報功  
其中茂績而是廟寔由作始王從李珣隱于青城  
山自負奇節不能為人下隋煬帝偉其才起為嘉  
州牧州方苦犍龍之害民皆嗷々早不防暮至出  
奇策以除郡人神之隋乱隱去不知所終後江水  
漲溢防斷不補蜀人見王青霧中乘白馬超波而  
過水患遂平民德之建號灌口以昭其靈異唐太  
宗時上不豫禱于王疾遂瘳詔封神勇大將軍明  
皇臨蜀護蹕有靈加封赤城王我真宗命張乖崖



遂平蜀賴神相告戒言於朝改封清源妙道真君  
至其起仙洞震靈闕破妖浪神含沙厯厯見功莫  
可以悉嗚呼王之護國益民勵將兵除天下患而  
受天子知以承洪惠舊矣至是復有慈茲舉者蓋  
王之功有力於曩王之惠益崇於今虎以吾邑有廟  
在拱辰門內蓋邦人以神能平江患去災弭禍故  
祠之於此虎謁焉見椽桷煥然屋瓦廊廡基宇廣  
袤悉如制思前豐功偉績遂勒于石以垂不朽雖  
然王之神在天下如元氣流行於四時觸之輒感

海虞別乘

祠廟

一六

叩之輒應殆與天地日月相為周旋吾邑民仰其  
靈貺多矣使天下而有所未感殆仍感焉然降豐  
年除水旱平疫癘弭盜賊篤名拜而周于天下則  
王之昭聖典於無窮而虎之感王靈於永世也斯  
廟之立又豈瀆哉庸書此以詔來者

周忠惠公志稱其文辭敏瞻然世久無傳獨有

常熟清源廟碑

三恪

于塵蘚中摩挲而得之不

啻拱璧因嘆昔賢不能詳考當置諸邑志中以  
表忠武之遺云

脩周孝子祠記 周孝子吾常熟人生於宋孝宗時  
事親至孝既沒而神嘗以紫蘇治病輒愈事聞諸  
朝封靈惠侯逮我太祖高皇帝咸秩祀典命之曰  
土神周孝子俾有司春秋祭祀其祠在縣治東南  
學宮之後遠近祈禱者晝夜罔間香火騰鬱棟梁  
如漆守祠道士陸允脩輩察其垂朽難支者圖更  
新之士大夫以下聞而樂助予亦從其後因感往  
事作而嘆曰甚哉神之庇吾民也神墓在北山邑  
民歲脩祭掃禮正德初劇盜劉六七殘破山東郡

海虞別乘

祠廟

一十七

邑時予在內翰雖遠念其家然恃吳澤國陸賊不  
能至也忽夜夢神之墓祭掃墓之前駭而奔者皆  
親若友而吾母譚太淑人亦在焉謂賊且至善良  
宜藏予哭就吾母不能及忽聞神語曰賊至江濱  
而返不得來矣既覺而異之越明年北方之民被  
掠者一空存者皆堅壁清野賊無所擄乃流楚略  
舟而東至吾縣福山方欲操刃以登禍在剝床忽  
颶風從南來顛激賊舟抵狼山遂敗滅与夢適符  
嗚呼太平既久江南不識兵革賊至時官軍尚遠

民避窮鄉者十之八九未行者負擔而望賊一登  
陸即極力奔竄矣夫以猖獗不易制之寇直入無  
人之境以逞其無忌憚之為其將何所不至哉大  
風二日而官軍始至乘其蕩覆失據之餘勦絕無  
遺嗚呼勦絕之者雖人為然或官軍未至無颶以  
激其舟禍不止吾縣而已也神有大功如此況縣  
民素賴于神者又豈言可悉哉親病亟子必號呼  
曰孝子子之病亟親亦號呼曰孝子以至祖孫兄  
弟親戚上下之疾水旱災祥之事意外不虞之變

海虞別乘

祠廟

一八

紛々萬狀求訴百端無不獲其意者記曰能禦大  
災則祀之能捍大患則祀之盖神之生也孝故其  
死而為神也仁是亦推一本之愛以及吾民而溥  
其身後之澤焉已稽諸祭法於神為稱而充吾民  
之志雖百其祠日祀之猶不足則於脩祠之事其  
爭趨樂助也固宜衆操斤斧不久告成王侍郎兩  
湖請記其事予久病至是少瘥乃買石刻之祠中  
嗚呼孱疲之餘強此一筆固神所默佑歟

陳琴溪集